

王清境妙真經 第二

如是無上法無量大慈悲修諸心修諸法於諸學人第一勇健不可思議微妙之處如無上道難可譬喻猶如大海等於虛空無量諸天大聖無量衆真無量大神咸生歡喜作如是言欲求无上正真妙法

天尊謂汝等住空平等難勝之地則不見有父母兄弟親族知識姊妹兒息愛憎中人譬如虛空無有父母兄弟乃至無有衆生壽命一切諸法亦復如是其心平等多所利益如彼虛空何以爲行功德善能修集諸空法故是內法空常樂我淨得無所畏是內法中雖有道性而是道性非內非外非上非下非有等非無等真性常住無變易故是名真教觀於內空外空觀一切法本性皆空無常苦樂淨不淨者是名正法汝等無量無邊一切聖衆及諸真人諸天大神常於是中通達妙理廣及一切令今見在過去未來得如是空門玄之又玄則得住虛空我於大衆之中說如是等諸空義時復有百千萬億衆聞如是說

即得住於虛空等法住是地已於一切法中

無有滯礙繫縛拘執心無迷悶常樂自在清靜無爲以是因緣名虛空等一切諸法譬如虛空於可愛色不生貪着不愛色中不生嗔恚汝等一切住是地已亦復如是一切法中亦見亦知若行時若緣若因若報若積若思若乘若遇善識若持禁戒若能布施如是等法一切知見無上解脫甚深所行智慧見諸衆生行諸非法必墮地獄無量苦惱知諸衆生從地獄出生於人中若行布施乃至具足

是諸所施是人必得入正解脫是名正真微妙復有亦見亦知云何爲見云何爲知若有若無苦惱不生常樂我淨當障消滅一切無爲諸神專定不入生死輪迴堅固不壞已得成就亦復能知一切衆生悉有道性而說偈曰
我念宿命 一切不定 假於衆法 可不是空
實性五塵 從何得有 不得不空 解脫法門
歎未曾有 一切時衆 不能解義 爲若此也
智者聞是 解脫法門 皆應恭敬 頂受此法

妙真經靈符

靈符
靈符
靈符
靈符
靈符
靈符
靈符
靈符
靈符
靈符

王清境妙真經 終

王清境太一經 第三
大道明言一切諸法無邊智慧令諸天人大聖無量真人及諸法界有色無色有相無相各令心信成就知是衆生求於正教是人從派此人非派是人正住此人非住知此法時已到法岸住於至境得法深味得法宗本得正解脫修諸正行以淨天眼見諸衆生造身口意三業不善墮於地獄盲生餓鬼難忍墮炭風刀往還晝夜不息見諸衆生修善業者勇猛精進行持道法務欲濟人當知此人得

生天上快樂無極若在人中聰明殊勝我於無量劫中見諸眾生從闇入明昏塞迷悶不能解悟有諸眾生從闇入明知識知見有諸眾生從明入闇捨真入偽不識道法有諸眾生從明入明真如滿月若或一切或因惡業成就或因貪慾嗔恚愚癡是業深重必墮地獄受諸惡報如是之人若能發心修身修戒行種種法知省知悟不墮地獄懺悔發露所有諸惡今日懺悔既悔之後於今已去更不敢作慚愧成就脫離三惡道供養三寶以是因緣不墮地獄獲大善利種種果報莊嚴其身得天妙相清靜自在如青蓮花具足果報若或生不信想起一切惡業諸罪皆至所求不得所願不遂所作不成所望不至種種愁憂非是一端受如是等無量之苦現世受報無量大惡大智大慧真人乃見是人不知因緣不能懺悔不自省思不自悔覺不生慚愧無有怖懼是罪增長地獄受報解脫何期長夜冥冥苦毒備經如是眾生亦有道性為諸煩惱之所覆蔽不能得見光明智慧無量功

德猶如闇夜所見不真所謂世間男女若識若不識若去若來若彼若此舍宅城村衣裳飲食山海林木眾生壽命皆是道本無有他相無有他色大妙純一至寂無為永生永樂無有障礙大通圓滿而說偈曰

我於是時明大智慧說諸微妙示諸眾生得聞是語令其堅固故行無厭真心清靜歡喜無悔無所怖畏不內不外不嗔不怒如此之時無有顛倒是諸性相無礙自在

太一經靈符

靈符
靈符
靈符
靈符
靈符
靈符
靈符
靈符
靈符
靈符

玉清境太一經

玉清境妙林經第四
諸大法海無量無邊大周法界無有窮盡種種法本功德即是

天尊無限智慧實非賢智能明是因得如是法無有障礙無有轉動無所怖畏於一法中作種種名經無量劫說不能盡善哉是法不可以智不可以賢是法至妙不可得聞一切凡夫取著於色乃至著色則生貪心故為繫縛則不能免生老病死憂愁大苦一切煩惱以是因緣得聞是法免離諸難無量眾生俱得解脫若復有人一生以來多諸罪障業報深重不聞是法名為魔鬼纏繞其身乃至一身終不能脫若不懺者即脫魔鬼亦如世間有罪之人為官枷械無罪之人官不枷械汝等一切亦復如是有所著者魔自繞身無所著者魔鬼速之常生自在所著自然離諸色相離諸塵網無復有諸煩惱相無復有諸障礙相得法自在種種利益亦復如是從道得法無有他說無有異念離欲自然得真寂滅一切諸法微妙光艷猶如重寶莫可稱量汝